DISCOVRS

Sur les causes de

L'EXECVTION faite és personnes de ceux qui auoient coniuré contre le Roy & son Estar.



A PARIS, A l'Olivier de P. l'Huillier, rue S. Iacques.

> M. D. LXXII. Auec Prinilege.

Ace 83-101(2). A SECTION AND A SECTION AND ASSESSMENT 19 304 - 115- 11 To the Table of the

DISCOVRS

Sur les causes de l'exe-CVTION FAICTE

és personnes de ceux qui auoient coniuré contre le Roy & son Estat.

> L y a tantost treze ans que le Royaume de Fráce, qui au parauát auoit purgéson grand corps de toutes guerres

estrangeres & exterieures, & n'en auoit aucune interieure, est agité, ou de troubles continuels, ou tourmenté de guerres ciuiles, qui ont procedé de la diuersité de deux Religios, & de plusieurs autres causes ioinctes à icelle, toutes tendantes à rebellion, & à la subuersion de cest Estat, & accomplies de toutes les

parties de crimes de leze Majesté diuine & humaine. Et bien que ceste diuersité de deux Religions fust vne cause assez suffisante pour esmouuoir de grands troubles, guerres, & malheurs, pour ce qu'il s'est tousiours veu qu'il est impossible que deux Religions puissent demeurer ensemble en vn Estat, sans y produire vn grand trouble: siestce que ceux qui ont esmeu ceste mauuaise humeur en ce grad corps; pour le ruiner & destruire, en ont aussi esmeu d'autres qui d'elles mesmes sans la precedente, sont assez sussifiantes pour le gaster, affin que aucune sorte de mal & de ruine ne dessaillist au miserable Estat de la Frace. Car auec ceste premiere cause, ils ontioincte celle du bien publicq, qu'ils ont peinte & fardée de plusieurs traits bié colorez, par lesquels pensans attirer le peuple de

leur costé, & surprendre les entendemens & les volotez d'vn chacun, ils n'ot surpris que ceux qui estoiet, ou les plus simples, ou les plus capables de telles impressions, ayans en cela vsé des artifices, desquels se sont ordinairement seruis ceux qui ont voulu attenter contre l'Estat & la vie de leurs Princes, ou contre la liberté, & la tranquillité de leur Patrie, qui ont tousiours couuert leurs pernicieuses intentions du mateau de la Religion, & du zele du bien publicq, faisans de deux bonnes & sainctes choses, deux mauuais & dágereux pretextes. Ainsi ceux qui depuis treize ans ont souuent prins les armes contre le Roy, & souuent attenté contre sa personne & son Estat, ont mis en auant ces deux poincts, & voulu par viues raisons, &par exemples captieux nous faire croire que leur intétion estoit sain-

A iii

te & iuste, & qu'elle ne tendoit que à l'augmentation de la gloire de Dieu, à la gradeur & prosperité du Roy, & au bié & repos de son peuple & deson Royaume. Toutefois leurs mauuaises actions, couuertes du voile de pieté, ont toussours démenty leur langage, quand le voile ena esté leué, & n'ont si bien sceu desguiser & pallier leurs artificieuses parolles, qu'on n'ait touché au doigt & à l'œilleurs damnables volontez, tendates à la subuersion de la Frace. Et ceux qui se sont amusez seulemét à leurs parolles sans regarder à l'arriere-boutique de leurs desseings, & à la verité des choses, sesont laissez facillemet persuader que ces abuseurs de peuple auoiét quelque raison, & ont ou appertementsuiuy leur party, & iceluy secouru de leurs personnes, & de leurs biens, ou tacitement approuué leur religió. Car il leur sembloit que ces perturbateurs du repos public desiroient d'vne bonne & sincere assection, ce qu'en apparence seulement ils monstroient desirer, d'autant qu'ils ne parloient que du zele qu'ils auoient au seruice de Dieu, à la prosperité & gradeur du Roy, & au biende son Royaume.

Mais ny leurs deportemens, ny aucune raiso ne sçauroit faire croire qu'ils ayent desiré ny l'auancement de la gloire de Dieu, ny le repos public, veu qu'il est tout euidét que par vne infinité d'insolences, pararmes, par la force, par l'effusion du sang, & par toutes voyes de rebellion ils ont voulu, non seulemét plater leur Religion, mais aussi que ils ont par guerres ciuiles troublé& inquieté le repos de ce Royaume, lors qu'il ne faisoit que respirer des estrangeres, & qu'il comméçoit de

fouir d'vne bone paix, & d'vne paraicte intelligence auec ses voisins. Si qu'il semblera toussours à toutes personnes qui craignent Dieu, que sa parole ne fut iamais plantée par la force des armes, ny par la multitude des vices, ains par la seule force que Dieu luy a donnée, & que vouloir planter l'Euangile par les armes est chose toute contraire à ses commandemens, qui nous preschent & monstrent l'humilité & la paix: & que prendre les armes en vn temps pacifique n'est aucunement coseruer le repos public, lequel ne secoserue que par le silèce des armes & des discordes, & par l'authorité de la paix, qui apporte la seureté aux hommes, & faict obseruer les loix, & reuerer & florir la iustice: là où les armes mesmement en guerre ciuile apportent la violence, l'inquietude, la licece effrenée de faire mal, & ofte

& offe aux loix, & à la iustice leur

grandeur & authorité.

Er qui voudra soustenir que les troubles & les guerres ciuiles maintiennent la tranquillité publique, pourroit dire que pour conseruer vn corps sain en sa bonne disposition, il luy faudroit prendre du poison, & que pour conseruer la neige il la faudroit mettre deuant le feu: & soustenir viuement que la destruction d'vene chose, fust sa conseruation.

Or soubs ces deux pretextes de Religion & du bien public, ordinaires couuertes des meschantes intentions des rebelles & coniurateurs, ils se sont tousiours esseuez en armes, contre la personne de leur Roy & naturel seigneur, & à la destruction de son Estat. Chascun sçait que le Roy Henry venant à mourir, le Roy François deuxiesme son sils & successeur à la couronne, sir cesser les seux,

desquels les Roys François premier, & Henry ses ayeul & pere, faisoient flaber les corps des heretiques. Mais eux en recompése de ceste douceur, clemence & misericorde, s'esleuerent en armes & vindrent secrettement iusques aupres d'Amboise, où estoitleRoy au mois de Mars, l'an mil cinq cens soixante, en deliberation de le surprendre à la chasse, & de tuer ceux qui lors manioient les affaires. Et quand ils virent que leur meschante, intention estoit descouuerte, ils furent si obstinez en leur coniuration, & si fols & temeraires en l'execution d'icelle, qu'ils vindrét iusques à la grande allée, qui est deuant la porte de derriere du Chasteau de ladite ville, & se sirent voir de si pres, que de leurs arquebuzades ils marquerent la muraille d'iceluy. Le Roy François second estát mort, & venant le Roy qui est à present à la

couronne, estant encores en enfance, ils proietterent en leur esprit de manier & gouuerner sa ieunesse, de se faire, soubs l'imbecilité de son aage, Gouuerneurs & Regens, ou pluftost maistres de ce Royaume, & de chasser les anciens seruiteurs & officiers de la couronne. Cela n'ayant peu reiissir par les douces & subtiles menées qu'ils faisoiet, ils eurent leurs recours aux armes, lesquelles au mois de Mars, mille cinq cens soixante & deux, ils firent voir appertement, en deliberation de surprendre le Roy à l'improuiste, qui pour euiter leur fureur fut contraint de se retirer à haste en sa bonne & fidelle ville de Paris. Lors ils commencerent de l'emparer des villes du Roy, de prendre ses sinances: de faire venir les estrangers en ce Royaume, tant Anglois que Allemans: de vendre les places de frontiere aux Anglois: de ruiner &

Bij

piller les Temples & lieux saincts: de massacrer cruellement les gens d'Eglise, & tuer & rançonner les Catholiques, de quelque aage, sexe, ou coditió qu'ils fussent: & en somme lors se creua l'apostume de leurs coniurations & rebellions, de laquelle on vit sortir la matiere de tant de maux que nous auons receuz. Depuis, le Roy estat lors encore jeune, la Royne sa mere sage & vertueuse princesse, & vrayement mere du Roy & du Royaume, & desireuse du repos de la France, leur donna la paix, à telles conditions presque qu'ils la voulurent, pensant par la douceur donner à ce Royaume la tranquillité que les guerres ciuiles luy auoiet ostée. Mais eux non contens de tant de graces & de benefices, & retournans à leur narurel de rebellion, n'eurent si tost l'Edict de pacification entre les mains, qu'ils commencerent de l'enfraindre

de tous costez, tant en oultre-passant les lieux destinez pour leurs pres ches, conuenticules, & assemblées, qu'au port des armes, & au troublement du repos publicq. Dont pour obuier aux fureurs de leur insolence, le Roy fut contraint de faire des restrinctions & modiffications audict Edict: car durant que sa maiesté faisoit son grand voyage par tout son Royaume, elle eut infinies plainctes de l'authorité & puissance que ceulx de leur party se vouloient attribuer oultre icelluy. Et bien que le Roy, à cause de leurs cotinuelles cotrauétios, les eut peu priuer du benefice de la liberté des presches, (pource que par les loix ceux qui outrepafsent les limites du benefice receu du prince, en doiuent estre priuez du tout): si est-ce que comme bon prince, qui ayme mieux pardonner que punir, il excusa leur temerité,

B iij

l'imputant à l'ignorance, de n'auoir entendu les mots speciaux de l'Edict, & le leur voulut interpreter, declarer, & esclarcir par les modiffications.

O R ne pouuans se contater d'aucune grace que le Roy leur sit, & estant leur dessein resolu de faire par les armes ce qu'ils ne pouvoient faire en temps de paix, ils les reprindrét de rechef au moys de Septébre 1567. lors que pres de Meaulx ils cuiderent surprendre le Roy & se faire maistres de son Royaume. Il falloit donner vne belle & specieuse couleur, qui fit trouuer bon aux simples & idiots, & aux meschans, ce qui de soy ne l'est pas: Adonc ils firent vn potage de plusieurs causes de leur soubsleuation: entre lesquelles les premieres marchoient comme deux braues Capitaines, le faict de la Religió, & le Repos publicq, qui estoiét suyuis de plusieurs remonstrances, plaintes & doleances.

PREMIEREMENT ils disoient qu'ils auoiet tousiours desiré l'auancement de la parole de Dieu, & le repos publicq, comme bons & fidelles seruiteurs & subiets du Roy, & qu'auec ceste bonne volonté ils s'estoiet opposez aux pernicieux desseins de ceux qui vouloiét ruiner ce Royaume. Puis ils se plaignoient des modifications mises à l'Edict de la pacification de l'an m. D. L'x i 11. difans que par icelles & par autres semblables menées, inuentions & pratiques, soubs le fardeau d'infinies oppressions, inegalitez des faueurs, & iniures, on auoit voulu exterminer ceux de leur Religion. En quoy ils louoiet leur longue patience, d'auoir enduré le tout, & se faisans procureurs du peuple, sans auoir aucune procuration & authorité de luy, pour faire

ceste plaincte en son nom, se plaignoient de ce que le peuple (disoiét ils) estoit accablé de charges, sur char ges, nouuelles impositions, subsides & tributs, & demandoient l'abolition desdictes charges.

D'AVANTAGE crioyent qu'on auoit coniuré contre leurs testes, & que pour ceste occasion l'Esté precedent on auoit faict à Paris certain nombre de Capitaines, leué vingt & deux compagnies de gendarmerie pour faire monstre en armes, & faict venir des Suisses. Oultre ce, qu'on auoit mandé aux Cours des Parlemes, & aux grands Iours de Poictiers, de faire les recherches de ceux qui auroient cotreuenu aux poincts de l'Edict. Et que pour animer tout le mode contre eux on auoit fait courir vn bruit par tout le monde, que seu monsieur le Prince de Codé, & ceux desa ligue, auoient coniuré contre la personne

personne du Roy, & cotre son Estar. Aussi ils faisoient vne grande querimonie de ce que les Estats, charges, & honneurs estoient donnez (comme ils disoient) à personnes de basse condition & qualité: accusoient la maison de Guise d'estre la cause & origine de tous les troubles, & de tout ce qu'on a voulu faire contre eux: disoier pouilles & vilenies contre les Italiens:taxoient les plus grads du conseil du Roy: vouloient qu'on rendist copte des finaces employées depuis l'aduenement du Roy à la couronne: demandoient la conuocation des Estats, pour remedier aux maux de la France: & mettoient en auat plusieurs autres raisons de leurs plainctes & mescontentemes, & des occasions qui les contraignoient de reprendre lors les armes, disans nommément que c'estoit pour la conseruation de leur vie, non cotre le Roy:

C

& que desirans en toute humilité & reuerence presenter au Roy vne requeste pour se iustifier des cas à eux mis sus par leurs aduersaires, & le voyans enuironné de forces estrangeres qui auoient esté mandées contre eux, ils ne vouloient l'approcher (disoient ils) si pres de sa Maiesté sans estre forts, assin que si par le moyen de la iustice l'accez de presenter au Roy leur requeste leur estoit desnié, ils peussent par armes se faire la voye pres sa Maiesté.

Voyla les principales raisons qu'ils mirent en auant, lors qu'ils se presenterét en armes pres de Meaux: mais il n'y auoit & n'y a aucune apparence ny raison qui sit croire qu'ils desirassent l'aduancement de la gloire de Dieu, ny du repos public', veu qu'il estoit tout cuident qu'ils vouloient par armes plater leur religion, & troubler la France, s'esmouuans en

armes lors qu'elle estoit tranquille & paisible: lors qu'on ne pensoit à rien moins qu'à les offenser, & lors qu'apres que leurs Maiestez eurent saict le voyage de Picardie, où elles estoiétallées visiter les places de frontiere, pour obuier à ce que la venuë du Duc d'Alue en Flandres eust peu faire craindre, elles s'estoient venues reposer, & prédre le plaisir de la chasse en la maison de Monceaux, maison platte & foible, & lors que le Roy n'auoit aupres de luy vn seul Gentilhome qui eut pistolle ny cheual de seruice: de façon que s'il ne se fust trouué fortifié de six mille Suisses qu'il auoit fait venir pour s'asseurer ce pendant que ledict Duc d'Alue passoit, au milieu desquels il se mit, il estoit en danger desa personne, & fut contrain & de se renfermer dedans Paris, là où ils l'affiegerent, & vindrent brusser les moulins de ladite ville, iusques pres des portes.

E T apres qu'ils eurent prins les armes, & se furent assemblez à sainct Denys, ils declarerent que le motif de leur assemblée estoit pour le bien public, pésans par ce tiltre specieux attirer à eux la simplicité du peuple, & se fortifier de son secours & support: mais bien que le peuple de sa nature soit volage&desireux de nou uelletez, & enclinà les escouter, si est-ce qu'estant manié & gouverné par personnes bien disposées au seruice du Roy, & de luy-mesme bien affectionné à son Prince, il ne voulut prester l'oreille à telles paroles, s'aduisant que leur troupe estoit seulemet composée de personnes de contraire religion à celle du Roy, & qu'ils n'auoient autres hommes que ceux-là mesmes qui aux premiers troubles auoient porté les armes auec eux. Ce qui luy fit penser que

c'estoit vn pretexte malicieux d'vne mauuaise intention: de façon qu'ils ne trouueret personne qui fut si simple, ny si meschant, de vouloir entédre à ceste proclamation. Et lors que ceste guerre ne faisoit encores que naistre, & estoit à peine esclose, leurs maiestez tascherent par tous moyes les plus salubres & gracieux dont elles se peurent aduiser, de luy couper chemin. Mais eux cependant pour faire meilleure preuue de leur bon desir & de leur Religion, assiegerent leur Prince dedás Paris. Ceste guerre ayant durésix moys, & leur estant la paix redonnée, ils ne peurent y demourer longuement: ains au moys d'Aoust ensuiuant de rechef & pour la troisiesme fois ils reprindret les armes: & pour tirer tous ceux de leur party à eux, firent courir vn bruit que le Roy auoit deliberé de les faire tous mourir. Ils auoient mis en reser-

Ciij

ue la ville de la Rochelle, à laquelle ils se retirerent, & d'icelle puis apres, comme du cheual de Troye, sortirent les hommes qui ont embrasé ce Royaume, & qui y ont faict tant de maux.

En ces trois fois qu'ils ont prins les armes, ils ont faict tous actes de rebellion, en ce qu'ils ont assemblé dedans & dehors ce Royaume des gens de guerre: qu'ils ont faict conuocatió du peuple, leuée de deniers, proclamation & publication de lettres & papiers concernans l'estat du Royaume:qu'ils ont alterez les cœurs des subiects, & iceux esmeus à seditions: qu'ils se sont emparez des villes du Roy: qu'ils ont prins ses finances: qu'ils ont contracté intelligence, & praticques auec les estrangers, & d'iceux réply la France, & les ont mis dedans les places de frontiere: qu'ils ont pillez le dedans des Temples &

des Eglises, puis les ont ruinées, brulées & rompues, qu'ils ont commis tous actes d'inhumanité en toutes personnes de quelque aage, qualité, ou condition qu'ils fussent, qui ne estoient de leur impieté & party, les vns pillez, exigez & rançonnez, & les autres inhumainement & cruellemét occis: qu'ils ont gasté & saccagéles villes & les pays, donné plusieurs batailles à leur Prince: & bref, vsé de tou tes especes de cruauté & de rebellió, & de crimes de leze Majesté diuine & humaine.

Mais si grande a toussours esté la bonté du Roy, que deuat que venir aux armes contre leur rebellion, & lors qu'il estoit plus fort qu'eux, il atasché par tous moyés les plus gracieux dont il sest peu aduiser, de les attirer & reduire à leur deuoir, & de empescher par douces voyes le cours de leur mauuaise intention, n'ayant

iamais voulu mettre les armes en œuure, que lors qu'il a veu que sa bonté & douceur ne les en pouvoit divertir: & qu'au contraire elle auoit d'auantage animé leur fureur, & apres qu'il a eu gaigné les batailles sur eux, & qu'il les a reduits à vne telle extremité qu'ils auoient vn extreme besoin desa misericorde, il neles a pas voulu accabler par sa force, ains aymant mieux vaincre par sa clemence leurs cœurs desia abbatus par ses vi-Ctoires, que les ruiner, leur a par trois fois donné la paix, telle presque que ils la desiroient, par le traitté de laquelle il oublioit toutes choses passées, leur permettoit exercice de leur Religion, leur remettoit les crimes de ce qu'ils auoient fair, en aduouoit vne partie, & les receuoit en son giron, pour le desir que sa Maiesté auoit de les attirer à soy par douceur, & de les conseruer. Ce neantmoins

moins eux ingrats de tant de benefices, apres auoir receu la Paix & le benefice de la clemence du Roy, & mesmement à la derniere fois, se sont tellemét esleuez en orgueil & superbie, que ne pouuas oublier leur premier naturel, imbeu de troubles & deseditions, & duquel il ne pouuoit sortir action qui ne fut rebelle; tous les iours ont faict des actes de rébellion; contreuenans en mille façons · aux Edits & àla volonté du Roy, & au deuoir de bos & loyaux subiects Car ils ont fait leurs assemblées & presches aux lieux dessenduz par les Edits du Roy: ont continuellement fait des mences & pratiques auec les estrangers: ont tué les Catholiques là où ils ont esté les plus forts: leur ont empesché l'exercice de leur Religio: ont souuent en plein conseil, & mesmes en particulier, braué le Roy par menasses de guerre, par importuns

D

cayers, & par fascheuses, iniurieuses, & picquantes Remonstrances, & par superbes Requestes & plaidoyers, iusques à dire: Si vous ne faictes cela, vous aurez la guerre: Si vous ne nous faictes iustice, nous la nous ferons: & ont vsé d'autres semblables faços de faire & de parler pleines de brauerie & de rebellion. Et non contés de cela, ils ont en leur esprit recherché quelque moyen sinistre pour surprendre la vie du Roy, de la Royne Ta mere, & de Messieurs ses freres : & pour amuser le monde durant qu'ils bastissoient tels damnables desseins, ils out par plusieurs fois fait courir des bruicts, mesmement durant les seconds & derniers troubles, que le Roy auoit pres sa personne des hom mes qui leurs estoiet ennemis, & qui dressoient des embusches pour surprendre les principaux chefs de leur ligue, & pour exterminer tous ceux

qui en estoient: & ce pendant qu'ils amusoient par deuant les auditeurs à ouyr telles plaintes, par derriere ils se mettoient en armes pour surprendre le Roy, & ceux qu'ils disoient e-stre leurs ennemis, c'est à dire les bos & sideles seruiteurs du Roy, & les amateurs du repos de la France.

Tovres ces inventions estoient forgees en la boutique de l'Admiral, lequel voyant que la paix qui luy auoit esté octroyée par la clemence du Roy, ne secondoit pas les desseins qu'il auoit fait, de surprendre les personnes de sa Maiesté, de la Royne sa mere, & de Messieurs ses freres, & que la guerre estoit le seul preseruatif de sa personne, & celle qui entretenoit, nourrissoit, & fortisioit ses entreprises, forgeoit tous les iours des faulx bruicts, pour faire mettre ceux de sa faction en alarme, pour les pousser à la fureur, & par

 \mathbf{D} if

mesme moyen esmouuoir à rebellion, & à se ioindre auec luy: & soubs ces faulx bruices & malicieuses inuétions l'Admiral a tiré à sa cordelle plusieurs Princes, Seigneurs, Gentilshommes, Cappitaines, & autres personnes, les ayant contre leur naturel, contraints de se rebeller à leur Roy

& naturel seigneur.

Nonobstant cela, le Roy desirant reduire au bon troupeau ses subiects esgarez, par les impossures dudict Admiral, leur donna, comme il a esté dict, pour la troissesme fois, sagrace & misericorde, par son Edit de pacification de l'an M. D. 1 x x & depuis a fauorablement reécu en sa Court, & pres de sa personnes no seulemet tous les Gentilshommes & autres personnes de ladiche ligue, maisaussiledict Admiral, leur faisant caresses, dons & bienfaicts, pensant par sa douceur con-

uertir la mauuaise volonté de cest homme en vne bonne affection. Et a tant voulu complaire audit Admiral & à ses partizans, que contre la volonté des Catholiques Parisiens, il sit oster la Croix de Gastine, du lieu où elle auoit esté deuoticusement plantée, & icelle mettre dedans le Cimitiere Sain & Innocent, d'autant que ledict Admiral & ses sectaires pensoient que ceste Croix sut vne perperuelle marque de leurs rebellions precedentes. Pour tout cela, & autres faueurs que le Roy ayt faictes audict Admiral, son cueur nourry de poisos de la rebellio, ne pouuat receuoir aucune nourriture que celle dot son malin naturel s'estoit tousiours alimeté, a cotinué ses cruels & saglats desseins au millieu des faueurs que le Roy luy a faictes, & suscitant tous les jours quelque nouvelle cause de malau Roy, a taté de le deslier de l'in

D iii

telligence & seure amitié qu'il a auec le Roy d'Espaigne, & de l'esmouuoir & doner secours aux rebelles de Fládres, & de brouiller son Royaume.

SvR cela, comme l'Admiral par ses cruautez, saccagemens, pilleries, bruslemens, assassinats, & autres malefices, auoit offensé beaucoup de persones, il aduint que le xx11. jour du moys d'Aoust dernier, comme il sortoit du Louure, vn homme qu'il auoit menassé de faire pendre, pour se venger de luy, estant à vne fenestre, luy tira vne arquebuzade, & le blessa aux deux mains & à vn bras. Cest acte sembla au Roy trop hardy & de mauuais exemple, d'attanter si pres de son Chasteau, & de tirer d'yne fenestre à vn des principaux Officiers de sa Couronne, & delibera de faire prompte & exemplaire iustice du blesseur, s'il aduenoit qu'il fut prins. L'apresdince sa Maiesté accompagnée de la Royne sa mere, & de messeigneurs ses freres fut visiter ledict Admiral, le consola de sa blessure, & l'asseura d'en faire la poursuitte, & la iustice telle qu'il auroit occasion de s'en contenter. Ce iour là, & le lendemain sadicte Maiesté l'enuoya visiter d'heure à autre, pour sçauoir en quel estat estoit sa playe, mais ce pendant l'Admiral, qui par sa blessure auoit d'auantage vlceré son courage & ses desseins, & qui se sentoit plus offensé au cueur qu'au bras, pensant faulsement que le Roy l'eust fait blesser pour le tuer, & que Messieurs de Guise, assistez de sa Maiesté, eussent pratiqué celuy qui le blessa, se resolut de se venger en vn mesme temps & d'vn coup, du Roy & desdicts seigneurs, & de les faire massacrer, afin de pouuoir puis apres plusfacillemét se faire le seul maistre de ce Royau-

me. Et bié que de sa nature il fut home plus cotenu en ses parolles qu'en ses deliberatios, si est ce que dés qu'il fut blessé(telle estoit sa tage, qu'il falloit qu'elle se manifestast) il ne disoit mot qui ne fut plein de menasses, tãtost disant: Si le bras est blessé, la teste ne l'est pas : s'il me fault coupper le bras, i'auray la teste de ceux qui en sont cause: ils pesoient me tuer, mais ieles preuiedray: & autres seblables mots, qui monstroient euidément sa mauuaise intétió. Et quad on luy disoit que le Roy estoit bien marry de cela, il disoit ce sont bonnes mines, ie cognoy ceste fainte, ie sçay par où il les fault prendre tous. Voyla les mots cotinuels de l'Admiral, depuis le Vêdredy matin heure de sa blessure iusques à l'heure de sa mort, & les principaux de sa ligue en disoiét autat. Adonc le Samedy apres disner il tint vn conseil secret des plus confidans de sa ligue, auquel il sut conclu & arresté qu'il salloit auoir raison de ce coup, & tuer le Roy, la Royne sa mere, Messieurs ses freres, le Roy de Nauarre, & la pluspart des Princes & seigneurs de ce Royaume, estás pres d'eux, & bref tous ceux qu'ils estimoient contraires à leurs desseings.

LE Samedy ausoir le Roy fur aduerty de cecy par personnes dignes defoy, & mesmes par aucuns de ceux ausquels ceste conjuration auoit esté communiquée pour estre de la partie, lesquels ne voulurent participer d'vn si barbare & enorme crime. Il pensa qu'il falloit doner vn prompt, fouuerain & rigoureux remede à vne si prompte & cruelle cospiration & entreprise, de laquelle l'aduertissement estoit asseuré, sans s'amuser'à en faire plus grade en queste. Car en matiere d'aduertissemens qui cocernent la vie, ou l'Estat des Princes, dés

E

qu'on en est asseurément aduerty, il fault venir à l'execution & punition, deuant que venir aux informations, procedures & iugemens, ce qui ne se fait en autres matieres d'aduertissemens, ausquelles les iugemens precedent les executions : mais en celles cy, les executions doiuent marcher les premiers, quand la conjuration est maniseste, puis les iugemens sont leur deuoir, & esclarcissent ce qui a esté fait.

A DONC sa Maiesté bien & asseurément aduertie de la sanglante coniuration faite cotre sa personne, contre la Royne sa mere, & Messeigneurs ses freres, se resolut auec l'aduis de ladicte dame, de mesdits seigneurs, & autres siens plus speciaux & sidelles seruiteurs, d'empescher leur conspiration, par vne prompte & souueraine execution, & la preuenir par vne punition exéplaire. Pour cest essect il donna ordre que le Dimache matinàl'aube du iour on comméçastà ladicte execution, & à tuer ledit Admiral, & tous ceux de sa ligue & faction. Ce qui fut executé aucc la felicité, diligéce & celerité qu'on a veuë: tellement qu'à sept heures du matin ledit Admiral & les principaux chefs, & autres de ladicte conspiration furent mis à mort, & bien peuse sont sauuez. En quoy chacun peult cognoistre le iuste iugement de Dieu, la tardiue punition que dans le Ciel il appreste aux ennemis de son Eglise, & aux coniurateurs & rebelles, & la faueur qu'il porte à sadicte Eglise, & à la iustice des Princes. Car ayat voulu que tant execrable conspiration fust descouuerte au Roy si à propos, que si elle eust tardé demy iour à l'estre, il n'eust esté plus temps de la sçauoir, & n'y eust eu nul moyé d'y remedier: il inspira diuinement

E ij

son cueur d'y donner vne prompte contrepoison, & de la preuenir par vne soudaine resolution & execution. Et bien que les heretiques & rebelles ayent esté tousiours si deffians & soupçonneux, que par leurs frayeurs & soupçons, ils ont no seulement deuiné ce qui se faisoit cotre eux, mais aussi preueu, par ce qu'ils voyoient, ce qui deuoitaduenir, ils n'ont iamais pourtat peu preuoir ny craindre ceste execution, ny la descouurir: & de tant d'oreilles & de tat d'esprits, & de tant d'yeux qu'ils auoiet, il n'y a eu vne seule oreille qui aye ouy, ny vn seul esprit pésé, ny vn seul œil veu, ce qui se brassa contre eux. En quoy est admirable la puissance de la diuine boté, qui leur boucha oreilles, csprits, & yeux, pour n'entendre, peser, ny veoir le bras de Dieu aduancé sur eux, & la iuste vengeace qui les a punis, (bien que tard) deleurs demerites. Mais Dieu tardif à punir les meschans, leur gardant au ciel cestelente punition, a choisy no stre Roy pour ministre & executeur de safureur & ire, & luy a doné la voloté prompte, & vn moyen prompt de les exterminer. Que si iamais entreprise fut promptement faicte, & promptement, heureusemet, & hardiment executée, ç'a esté ceste-cy, à laquelle n'a deffailly, ny propte exccution, ny bons hommes pour l'executer, ny heur, ny diligence. Le peuple de Paris, qui est Catholique, & tresaffectioné à son Prince, se resouuenant des maux qu'il a soufferts durat ces guerres ciuiles, esmeues par la violece & rebellion des Huguenots, partizans de l'Admiral, & entendás la cruelle & detestable cospiration faicte par ledit Admiral & ses adherás, ne se peut tenir qu'il ne se ruast sur les Huguenots de la ville, qui estans de

E iij

mesme religion que les coiurez, eussent esté bien ayses du succez de leur coniuration, & en tua plusieurs, saccageant & pillant leurs maisons. Or est ceste voloté du peuple treslouable de soustenir & deffédre son Prince, d'espouser sa querelle, & de hair ceux qui ne sont de sa religion: & si en ceste execution quelques pilleries se sont faictes, il faut excuser la fureur du peuple poussée d'vn bon zele, laquelle est mal aysée à contenir & refrener, quad vne fois elle est esmeuë. Et à l'exéple de Paris, qui a toussours esté l'exemple & le patron de toutes les villes de la France, les autres villes ont faict la mesme execution és personnes des Huguenots, pour exterminer de tout poinct ceux qui tiennent vne religion cotraire à celle du Roy, qui est l'ancienne & la vraye, & ceux qui sont du party des coniurateurs & des rebelles.

LE Mardy ensuyuant vingtsixiesme dudit mois, le Roy accompagné de Messeigneurs ses freres, du Roy de Nauarre, & de plusieurs Princes & seigneurs, fut en sa Cour de Parlemet, en laquelle apres auoir remonstré comme depuis son aduenement à la couronne, il auoit esté tousiours brouillé de seditions, de troubles, & de guerres ciuilles, & comme les rebelles de son Royaume auoient par plusieurs fois attanté contre sa personne & son Estat, & que souuent il les auoit pardonnez, & comme nouuellement ayant entendu qu'ils auoient faicte vne cruelle & sanglante conspiration contre luy, il en auoit faict faire l'execution telle que chascun auoit peu veoir, il aduoüa en ladite Cour ce qui auoit esté fait, comme chose procedante de son commandement, & depuis l'afaict entendre par tout son Royaume, & à tous

les estrangers, afin que chascun sceut la cause qui l'a esmeu à faire ceste prompte execution sur ceux qui a-uoient coniuré contre sa personne, laquelle sera tous ours trouvée bonne de tous les iustes Princes, & de tous les loyaux subiects qui sont au monde.

FIN.

san account of the post motel wall of

Liebent Saup & a del notes appen-

es de minima de la completa del

austa — Nemu, Armaakimer, Himaa

de peut à commande de la compande

- และเปลาใหม่ใหม่ใหม่ใน และ เมื่อ เมื่อไม่เราะ

grand Sall Indication of a district Dealer

לחביבו, בל יונסתנול וווכ מב למן ביווצי

Anstonestille in style - sample

....